

養
生
類
纂

養生類纂卷第八

察 菴 周 守 忠

鄉貢進士錢塘縣知縣樵陽謝頴校正重刊

人事部三

老人

小兒

老人

老人之食大抵宜其溫熱軟忌其粘硬生冷每日晨朝宜以醇酒
先進平補下元藥一服女人則平補血藥一服無燥熱者良
尋以猪羊腎煮一盃壓之五味葱薤藟等粥皆可至辰時
服人參平氣散一服然後次第以順四時溫軟飲食進之食後
引行一二百步令運動消散臨卧時進化痰利膈人參半夏圓
一服尊年之人不可頓飽但頻頻與食使脾胃易化穀氣長存

若頃令飽食則多傷滿老人腸胃虛薄不能消納故成疾患為人子者深宜体悉此養老之大要也日止可進前藥三服不可多餌如無疾患亦不須服藥但只調停飲食自然無恙矣奉親養老

老人藥餌止是扶持之法只可用溫平順氣進食補虛中和之藥治之不可用市肆贖買他人惠送不知方味及狼虎之藥與之服餌切宜審詳

老人骨肉疎冷風寒易中若窄衣貼身暖氣著体自然氣血流利四肢和暢雖遇盛夏亦不可袒露其頭後連項常用紫軟夾帛自頭後中膺中垂下著內衣領中至背脾間以護腠理尊年人肌肉瘦怯腠理開疎若風傷腠中使成大患深宜慎之

天癸散窮元精血耗竭神氣浮弱返同小兒全假呵護以助衰晚若

遇水火兵寇非橫驚怖之事必先扶持老人於安穩處避之不可喧忙驚動尊年之人一遭大驚便至冒昧因生餘疾凡喪葬凶禍不可吊疾病危困不可令問寢寐飲食不可令驚悲哀憂愁不可令人預報穢惡臭敗不可令聞生冷粘硬毒物不可令食弊漏卑濕不可令居卒風暴寒不可令冒煩燥大熱不可令中動作行步不可令勞暮夜之食不可飽陰霧晦暝不可令飢假借鞍馬不可令乘偏僻藥餌不可令服廢宅歇宇不可令入墳園冢墓不可令遊危峻之地不可令登淵急之水不可令渡闇昧之室不可令孤凶禍遠報不可令知輕薄婢使不可令親家緣冗事不可令管皆宜忌之以保長年

上同

冷饌米食水團魚粽粘冷肥僻之物多傷脾胃難得消化大不益老

人

上同

凡老人有患宜先以食治食治未愈然後命藥此養老人之大法也

上同

高年之人多有宿疾香氣所攻則精神昏倦宿患發動又復經冬已來擁火熏衾啗炙飲熱至春成績多所發泄致體熱頭昏膈壅涎漱四肢勞倦腰脚不任皆天所發之疾也常宜休若稍竟微疾不可復行疎利恐傷臟腑別生餘疾但只用消風和氣涼膈化痰之藥消解上同

春時遇天氣頓暖不可頓減綿衣緣老人氣弱骨疎怯風冷易傷緣透春時但多令衣被溫暖之時一重重漸減即不致暴傷也上同夏月老人尤宜保扶若簷下故道穿隙破窓皆不可納涼此為賊風中人暴毒宜居虛室淨室水次木陰潔淨之處自有清涼每日凌晨進溫平暖氣湯煎一服飲食溫軟不令太飽但時復進之

渴用飲粟米溫飲葦薹熱水生冷肥膩尤宜戒之緣老人氣弱
當夏之時納陰在內以陰弱之腹當冷肥之物則多成滑泄一
傷真氣卒難補復若是氣弱老人夏至已後宜服不燥熱平補
腎氣暖藥三二十服以助元氣若從蓉丸八味丸之類上

新登五穀老人不宜食動一切宿疾

冬月最宜養老密室溫淨衾服鮮重調其飲食適其寒溫大寒之日
山藥酒肉酒時進一盃以扶衰弱以禦寒氣不可遠出觸胃嚴
風緣老人血氣虛怯真陽氣少若感寒邪便成疾患多為救逆
麻痺昏眩之疾灸燂燥毒之物尤切戒之若食炙燂燥熱之物
故多有壅噎痰嗽咽目之疾亦不宜澡沐陽氣內蘊之時若加
湯火所逼瀆出大汗高年人陽氣發泄骨肉疎薄易為傷動多
感外疾惟早眠晚起以達霜威朝宜飲少醇酒然後進粥臨卧

宜服微涼膈化痰藥一服同上

老不齒風非不齒風也只當調氣尔少不齒勞非不齒勞也只當調脾尔瑣碎錄

六十歲人得暇時日以益實臍心上安蒜一片灸之熱則易之久大得力同上

男子六十閉房戶所以輸衰故重性命也白虎通

人年四十以上常服鍊乳散不絕可以不老又餌云母足以愈疾延年又勿服瀉藥常餌補藥大佳千金要方

人年五十以去皆大便秘或常苦下利有斯二疾常酒預防若秘澁則宜數食葵菜等冷滑之物如其下利宜與薑韭溫熱之菜老人於四時之中常宜溫食不得輕之千金翼方

養老之要耳無妄听口無妄言身無妄動心無妄念此皆有益於老

人也又當愛情每有誦念無令耳聞此為要妙耳

上同

老人之道常念善無念惡常念生無念殺常念信無念欺無作博戲
強用氣力無舉重無疾行無喜怒無極視無極听無大用意無
大思慮無吁嗟無叫喚無吟吃無歎嘯無啼啼無悲愁無哀動
無慶吊無接對賓客無預局席能如此者可無病長壽斯必不
惑也

上同

老人常避大風大雨大寒大暑大霧霜霰雪旋風惡氣能不觸冒者
是大吉祥也

上同

老人所居之室必須大周密無致風隙也

上同

夫善養老者非其書勿讀非其声勿听非其務勿行非其食勿食非
其食者所謂猪狗雞魚蒜鱸生肉生菜白酒大酢大醢也常享
淡食至於黃米小豆此等非老者所宜食常宜輕清甜淡之物

大小麥麵粳米等為佳人忌強用力咬齧堅硬脯肉反致折齒
破斷之弊常不飢不飽不寒不熱善行作坐卧言談語笑寢食
造次之間能行不妄失者則可延年益壽矣同上

養老之道食必忌雜雜則五味相挽食之作患是以食取鮮肴務令
簡少飲食當令節儉若貪味傷多老人腸胃皮薄多則不消膨
時短氣必致霍亂夏至已後秋分已前勿進肥濃羹臠酥油酪
等則無他矣夫老人所以多疾者皆肉少時暮夏取涼過多飲
食太冷故其魚蟹生藥生肉腥冷物多損於人宜常斷之唯乳
酪酥蜜當宜溫而食之此大利益老年雖然卒多食之亦令人
腹脹洩痢同上

老人須知服食將息調身按摩搖動肢節導引行氣不得殺生取肉
以自養也同上

小兒

兒之始生宜淨洗則燥血不留於褶路之間可得皮膚光澤然後剪

臍臍之道乃物生之蒂也剪之宜長一尺有二用愈線縛之宜

緊剪之不長多生臍風縛之不緊陰門虛腫兼臍難落出造道

針金翼方凡初生兒臍當令長六寸臍長則傷臍短則傷

小兒初生急以綿裹指拭盡口中惡血不急拭啼聲一出即入腹成

百病矣亦未須與乳且先與拍破黃連浸湯取濃汁調硃砂細

末抹兒口中打盡腹中舊屎方可與乳兒若多睡聽之勿強與

乳則自然長而少病小兒保生要方

嬰兒若洗浴訖斷臍帶須隔衣物咬斷將煖氣呵七遍為佳小兒

嬰兒初生第一日纔斷臍補訖看兒形若面紅潤色赤啼聲響快

者宜用米粉半錢旋旋令兒吮之良久有臍糞便下為佳次用

甘草法用好原州甘草中指一節許拍碎以水二蜆殼煎一蜆殼以綿纏蘸令兒吮之若吐出惡汁為佳若服一蜆殼不吐即不須更服不問嬰兒虛實寒熱皆瀆服之次宜用朱蜜法好朱砂一大豆許細研水飛煉赤蜜蜆殼者稀稠和成膏每用一豆大乳汁化下時時滴口中三日內止三粒臨時更看形色若面色多青白啼聲不響即不須服次用牛黃法真牛黃一塊許用好蜜煉熟和成膏每服一豆大乳汁化時時中形色不實者不宜多服若嬰兒胎熱或身作黃色宜多服同

浴新生兒用猪膽一枚煎湯在盆中取膽汁投於湯中適寒溫以浴兒終身不患瘡切不得湯中入生水小兒精要方

凡兒初生洗拭襁後炙甘草三五寸搥碎濃煎湯以新綿珠子楠與吃日夜五七番取盡惡血即止方與乳吃若春夏不瀆下之任

其自然下即必虛自非病不可下之上

小兒始生即當舉之舉之遲晚則令中寒腹中雷鳴先浴之乃斷臍斷臍當令長至足跗短則中寒令腹中不調常下痢若先斷臍後浴之則令腹中水中水則發腹痛千金翼方

見新生不可令衣過厚熱令兒傷皮膚肌肉血脈發雜瘡及黃垺

凡小兒始生肌膚未成不可暖衣暖衣則令筋骨緩弱宜時風日若不見風日則令肌膚脆軟便易中傷皆當以故絮衣之勿用新綿也天和暖無風之時令母將兒於日中嬉戲數令見風日久血凝氣剛肌肉窄密堪耐風寒不致疾病若常藏於幃帳中錢衣溫暖譬如屋下之草不見風日軟脆不堪當風寒垺

兒衣先以清水洗之勿令沙土草污又以清酒洗之仍內錢一文在衣中盛於新瓶內以青帛裹之其瓶口上仍用密蓋頭且置便

宜慶待滿三日然後依月吉地向陽高燥之處入地三尺埋之
瓶上土厚一尺七寸唯須牢築令兒長壽有智慧若藏衣不謹
為猪狗所食者令兒癩狂蟲蟻食者令兒病惡瘡大鳥食之令
兒兵死近社廟傍者令兒見鬼近深水灣池令兒溺死近故竈
傍令兒驚惕近井傍者令兒病聾盲棄道路街巷者令兒絕嗣
無子當門戶者令兒聲不出耳聾著水流下者令兒青盲棄於
火裏者令兒生爛瘡著林木頭者令兒自絞死如此之忌皆須
慎之外並秘要

藏衣天德月空法

正月天德在丁月空在丙壬二月天德在坤月空在甲庚
三月天德在壬月空在丙壬四月天德在辛月空在甲庚
五月天德在乾月空在丙壬六月天德在甲月空在甲庚

七月天德在癸月空在丙午八月天德在艮月空在甲庚

九月天德在丙月空在丙午十月天德在乙月空在甲庚

十一月天德在癸月空在丙午十二月天德在庚月空在甲庚

凡藏兒衣皆依此法天德月空處埋之若有遺及支者宜以衣內新瓶盛密封塞口挂於宅外福德之上向陽高燥之處待還月然後依法埋藏之大吉上

甲寅旬中十日不得埋藏兒衣以瓶盛密封安置空處度十日即埋藏之上

崔氏初生浴兒良日此謂初生浴兒以後重浴亦吉寅卯酉日大吉

壬午丁未癸巳日上

浴兒虎頭骨湯主辟除惡氣兼令兒不驚不患諸瘡疥方用虎頭骨五六兩無頭身骨亦得碎苦參四兩白芷三兩三味切以水一

牛黃為湯內猪膽汁少許適寒溫以浴兒良上

凡尋常浴兒湯熱添少許清漿水一捻鹽浴兒浴訖以粉摩兒既不

畏風又引散諸氣上

凡浴小兒湯極湏令冷熱調和冷熱失所令兒驚即成疾凡小兒冬
寒不可久浴浴必傷風寒夏不可久久則傷熱水溫不妨凡浴
時當護兒背項風邪自此而入使之發熱成癰浴兒之初以猪
膽一枚取汁投於湯內可免瘡疥之疾凡兒生下三日用桃李
根或咀水煮沸去滓浴兒良去不祥亦免瘡癰之患嬰兒妙訣
夏中或熱時乳母浴後或見啼不可與妳能令成胃毒秋成亦白痢
凡浴後可令定息良久熱揉乳之故無患也願顛經

凡乳兒不可過飽滿而必液則成嘔吐乳或來猛取出接後再乳凡
初乳時須常捏去宿乳然後與之兒若卧乳常以臂挽之令乳

與頭平令兒不噎母欲寐即奪其乳睡着不足飽足而成嘔吐
父母交合之間兒卧於側或驚哭不可乳食兒蓋氣亂未定則
害兒也千金論

兒啼未定氣息未調乳母勿遽以乳飲之故不得下停滯膈而成
嘔吐此患有之可不為戒巢所論

初生嬰兒乳哺得法乳者姪也哺者食也乳後不得與食哺後不得
與乳小兒脾胃怯弱乳食相併難以克化幼則成嘔周歲已上
而成乳癖結於腹中作疼故也大則成癖小則成積疳氣自此
始也隱微方

凡兒生三日之外當與少哺姚和衆云以粟米煮粥飲研如乳汁每
日與半蜆殼許以助穀神導達腸胃孫真人云以粳米飲七日
外與三大豆許慎不可雜與藥吃巢氏云兒生滿三十日後當

哺少物如二棗核許至五十日如櫻桃許至百啐如大棗許若乳少當以意增之不可多與恐不能勝則生病矣若乳多不消哺食者亦須少少與之以肚腸胃兒大稍稍增之當有常劑聖濟經亦云兒生三日用飲過三日用哺哺之以賴養氣也哺之多少量日為則如是則五藏得養而胃氣壯矣其飲乳食哺不能無痰癖常宜有節若微不進當細審之恐脾胃虛弱致氣怯爾若全無穀氣令兒病則多內耗三十日後雖哺勿多若不嗜食勿強與強與不消復成疾病哺乳不進者腹中皆有痰癖也當以四物藥湯微下之節哺乳數日便自愈也

嬰兒初舉三日用飲三日之後用哺量日以為則勿令太過與不及哺之道所以助穀然後五臟得所養矣

嬰兒之出月必欲人襁褓之適宜者夏之月乃萬物

生長之時宜放令地卧使之不逆生長之氣如秋冬之月乃萬
物收藏之時宜就溫和之處使之不逆收藏之氣然後血凝氣
剛百病無自而入矣同上

嬰兒又當消息無令汗出汗則致虛損便受風寒晝夜寤寐皆當
慎之小兒書方抄選

嬰兒所以少病癰者其母懷娠時須時勞役運動骨血則氣強胎養

盛矣若少運動血氣微胎氣弱則兒軟弱易傷故多病癰同上

嬰兒皆須着帽項衣取燥菊花為枕令兒枕之最佳同上

嬰兒春夏間有疾不可乱有動下使不焦瘵上焦熱變成大病矣同上

嬰兒又看舌下若連舌有膜如石榴子若啼不出聲不轉速以指爪

摘斷之或用簪刀子割之微有血出即活同上

嬰兒若舌下血出多者燒乱髮同猪脂塗之同上

初生兒非根汁灌之即吐出惡水令無病本草

脾之內兒衣皆須用故綿帛為之善兒衣綿帛特忌厚熱外臺
松要方

天下有女鳥一名姑獲又名釣星兒喜風雨夜過飛鳴徘徊是鳥得
鳴無雌不產喜落毛羽於中庭置入兒衣中便使兒作癇必死
即化為其兒也是以小兒生至十歲衣裳不可露七八月尤忌
之同上

凡小兒莫抱於簷下澡浴當風解衣及近神佛之前驢馬之畔各房

異戶之親諸色物器並不可觸犯也切宜忌之嬰童寶鑑集

子未暮勿衣新綿絲為恐鬱太暖而傷於肉春勿覆頭裹足致陽氣
不出故多發熱

每日頌就無風處看兒上唇并兩頰內有白胞如膜起者速以指甲

刮破更生更去之更看舌下生重舌皆由兒在胎中母喫炙煨肥膩飲酒服熱藥所致產乳慶育集

小兒若能調和飲食并看承愛護如法則別無疾病亦不須令兒常服湯藥此宜審之同上

不得油膩手棚裹及抱兒又不得火炙襁褓便與兒着令孩子染熱病大寒以火炙衣被且拋向地上良久熟接之冷暖得所即與棚之無妨小兒精要方論

小兒未滿月內所驅使人亦不得令有犯到於兒前惡氣觸兒兒得疾難療同上

小兒額上寫八十字此乃旃檀王押字鬼祟見則回避瑣碎錄

小兒退齒上齦者置床下下齦者拋屋上云使齒速生同上

小兒勿立灯擎後令長大多招誣謗勿啜白湯令招恐同上

小兒瘡痂以榕粉日傳之則易差而無痕汗漫銀

小兒勿令指月兩耳後生瘡欲斷名月食瘡搗蝦蟆末傳即差出云
芟七籤按肘後方云此瘡以五月蝦蟆屑膏和塗之

小兒不可食羊胎及鷄鴨卵魚子之類長成多忘出積碎錄又云小兒

長愚性至不能識一二又食療本草云小兒不可食鴨卵脾軟不行變倒

兒患疳即不得食羊肉及魚小兒精要方論

小兒不得與鱗魚食結癥瘕及救食療本草

小兒食雞肉主蛇蟲本草又嬰童室銘集云未二歲勿食雞肉子腹

小兒食黃瓜滑中生疳蟲同上

嬰子飼孩兒令齒不生同上又嬰童室銘集云多食栗令腎氣弱行

歲歲小兒食之三歲不行同上

小兒不可食黍米飯亦不可食蔬立無力嬰童室銘集又本草云黍

能行緩筋骨絕血脉也

小兒不可食越瓜發動故疾同上

小兒不可食葵令不能行同上

小兒不可食蕎麥令髮落同上

小兒不可食薏苡令臍下痛同上

凡小兒匍匐已後逢物便喫父母喜之或飲食之間必須以口物飼之此非愛惜之法乃成害之一端殊不知小兒脾胃嫩弱腸胃脆軟不禁雜物未能化今之患食癖疳積肚疼面黃肚大脰小好覆冷地者得患皆由此也嬰兒妙訣總要方

小兒盜汗者因食冷湯過度或熱水淘飯大能損脾土為水之所傷也則不能製其津液故成汗自出也同上

小兒骨弱至七八歲不能行立者只服八味圓一料自愈功在澤瀉

耳是齋百一選方

小兒不可令就瓢及瓶中飲水令人語言多訥瑣碎錄

小兒不可溫着衣服恐召怨上同

羊肝生共椒食之大損小兒千金要方

取伯勞踏枝鞭小兒令速語本草

小女子不可令食魚也食之則拙瑣碎錄

抱嬰兒勿哭泣淚入兒眼令眼枯上同

勿抱嬰兒仙家大忌云其七籤

勿抱小兒損志傷神太一真君五誠

入夏常以絳囊盛杏仁七粒與小孩兒佩帶之聞雷震自然不惧也

林泉備用

杜壇餘酢酒治孩兒語遲本草

援劍倚門而不驚淮南萬畢術

兒生不作聲者此由難產少氣故也可取兒臍帶向身却將之令氣

入腹仍呵之至百度啼聲自發又以葱白徐々鞭之即啼

出外臺祕要方又按千金翼方取煖水一盃灌浴之須臾即作

兒初生宜用父故衣裹之若生女宜以母故衣勿用新帛令兒長壽

外臺祕要方

小兒初生候浴水未得且以綿絮包裹抱大人懷中暖之及浴了亦

當如此雖暑月亦未可遽去綿絮須漸々去乍出母腹不可令

冒寒氣也預煎下沸湯以瓶收之臨時旋煖不犯生水則兒不

生瘡如此一月為佳小兒保生要方

養生類纂卷第九

養生類纂卷之九

案 庵 周 守 忠 纂集

鄉貢進士錢塘縣知縣樵陽謝頴校正重刊

人事部

乳母 妊婦

乳母

乳母者其血氣為乳汁者五情善惡悉血氣所生其乳兒者皆須性情知善形色不惡相貌稍通者若求全備不可得也但取不狐臭癰瘰氣嗽痛疥癩癰白禿癰傷膝唇耳聾聾鼻癰癰無此等疾便可飲兒切須慎耳外甚要方

凡乳母乳兒當先以手極按散其熱勿令乳汁奔出令兒咽輒奪其乳令得息已復乳之如是十反五反視兒飽飽節度知一日之

中幾乳而足以為常又常捉去宿乳千金翼方

兒若卧乳母當臂枕之令乳與兒頭平乃乳之如此令兒不噎母欲寐則奪其乳恐填口鼻又不知飢飽也同上

凡乳兒不欲太飽飽則令吐凡候兒吐者是乳太飽也當以空乳乳之即消夏若不去熱乳令兒嘔逆冬若不去寒乳令兒欬痢母新房以乳兒令兒羸瘦交脛不能行同上

母患熱以乳兒令兒變黃不能食同上

母怒以乳兒令兒喜驚發氣疝又令兒上氣癲狂母新吐下以乳兒

令兒虛羸同上

母醉以乳兒令兒身熱腹滿同上

不得與妳母大段酸醎飲食仍忌綿衝寒或衝熱來便餒兒妳如此則必成妳癖或驚疳瀉利之疾產乳慶育集

夜間餵妳湏妳母起身坐地抱兒餵之上同

妳母不可頻喫酒恐兒作痰嗽驚熱昏眩疾上同

每侵早欲飲乳皆湏捏去宿乳小兒精要方論

此為乳母者皆有節度如不禁忌即令孩子百病生如是攝調可致

孩子無疾長壽是以春夏切不得衝熱哺兒子必發熱疳并嘔

逆秋冬切勿以冷乳孩子必令腹脹羸瘦上同

乳母有娠不得乳孩子必患胎黃及瘡疳上同

乳母有風痰不得乳孩子必患癩癰風病上同

乳母傷飽不得乳孩子必致多熱喘急上同

乳母有穴不得謹卓者切湏防備黨新有所犯氣息未定便即乳兒

者必能害兒令不能行上同

小兒睡怕乳母鼻風吹及顛明久成風疾瑣碎錄

嬰兒生後而滿月即目瞳子成能笑識人乳母不得令生人抱之及
不令見非常之物嬰兒百晬任脉生能反復乳母當存節喜怒
適其寒溫嬰兒半晬尻骨已成乳母當教兒學坐嬰兒二百日
外掌骨成乳母教兒地上匍匐嬰兒三百日臍骨成乳母教兒
獨立嬰兒周晬膝骨已成乳母教兒行步上件並是定法蓋世
之人不能如法存節徃徃抱兒過時損傷筋骨切宜謹之為吉
小兒醫方妙選

嬰兒乳母須每日三時摸兒項後風池若壯熱者即須熨之使微汗
即愈諺云戒養小兒慎護風池風池在頸項筋兩棘之邊有病
乃治之疾微慎不欲妄針灸亦不用輒吐下所以然者針灸傷
兒經絡亦不可吐下膈傷腑臟故也同上

嬰兒暑中常令在稍涼處乳母勿禁新水即不宜多同上

凡浴兒乳母當護兒背項風邪自此宜入使之發熱成痼嬰兒妙訣

兒啼未定氣息未調乳母勿遽以乳飲之俾膈而成嘔吐上同

初生嬰兒乳哺得法乳者姤也哺者食也乳後不得與食哺後不得

與乳小兒脾胃性弱乳食相併難以克化幼則成嘔周歲已上

而成乳癖食癖結於腹中作疼故也大則成癖小則成積疳氣

自此始也上同

乳母憂愁思慮或有忿怒之氣乳兒者乳隨氣而上不能剋化故嘔

也凡有此候先解乳母釋其忿怒然後服五膈寬中散食後捏

去敗乳服藥過口即仰卧一時霎令藥行入乳脉兒服沉香降

氣湯乳母亦可服上同

小兒臟腑嬌嫩易虛易實本自無病或因乳食不節胃滿而逆或因

乳母解脫取涼風冷入乳或乳母貪飲而又食冷冷氣入乳令

乳變敗兒若喫之隨入兒腹即成霍亂或成吊腸啼叫泄瀉不止此皆非兒之病也乃乳母不適寒溫不能調護使之其病上

乳母多食辛辣之物令小兒成龜背之疾亦目肺熱脹滿攻於膏膈

即成龜背

出錢氏小兒藥證直訣又聖惠方論小兒龜背由兒令坐稍早又客風吹着脊骨而入於髓故背高如龜

乳母常食粥仍欲乳兒先捨去少許即佳肘後方

乳母鹽豆莖一升炙令熟乃切之人參三兩以水三升煎取一大升

去滓取汁煮粟米粥與乳母食之良常蓋覆乳勿令冷佳同上

乳汁勿投於地蟲蟻食之令乳無汁可沃東壁上佳

無効產室

乳母觸冒風冷及飲食生冷等物冷氣入乳兒若飲之亦成霍亂氏

病源

妊婦

妊娠一月名始胚飲精熟酸羹受御宜食大麥無食腥辛是謂才正

一月之時血行否澁不為力事寢心安靜無令恐畏 妊娠二

月名始膏無食辛澡居必靜處男子勿勞百節皆痛是為胎始
結二月之時鬼精成於胞裏慎護驚動也 妊娠三月名始胎
當此之時未有定儀見物而化欲生男者操弓矢欲生女者弄
珠璣欲子美好數視璧玉欲子賢良端坐清虛是謂外象而內
感者也無悲哀思慮驚動 妊娠四月始受水精以成血脉食
宜稻稬羹宜魚鴈是謂盛血氣以通耳目而行經絡四月之時
兒六腑順成當靜形休和心志節飲食 妊娠五月始受火精
以成其氣卧必晏起淡澹衣深其居處厚其衣裳朝禮天光以
被寒殃其食稻麥其羹牛羊和以菜茹調以五味是謂養氣以
定五臟五月之時兒四肢皆成無大飢無甚飽無食乾燥無自
炙熱無大勞倦 妊娠六月始受金精以成其筋身欲微勞無
得靜處出遊於野數觀走犬及視走馬食宜鷄鶩猛獸之肉是

謂變腠理納筋以養其力以堅背脊六月之時兒口目皆成調
五味食甘美無大飽 妊娠七月始受木精以成其骨勞身搖
肢無使定止動作屈伸以運血氣居處必燥飲食避寒常食稻
粳以密腠理是謂養骨而堅齒七月之時兒皮毛已成無太言
無號哭無薄衣無洗浴無寒飲 妊娠八月始受土精以成膚
革和心靜息無使氣極是謂密腠理而光澤顏色八月之時兒
九竅皆成無食燥物無輒失食無忍大起 妊娠九月始受石
精以成皮毛六臟百節莫不畢備飲醴食甘緩帶自時而待之
是謂養毛髮致才力九月之時兒脉續縷皆成無處溫冷無著
灸衣 妊娠十月五藏俱備六腑齊通納天地氣於丹田故使
關節人神皆備但俟時而生宜服滑胎藥入月即服胎前產後
凡受胎三月逐物变化稟質未定故妊娠三月欲得觀犀象猛獸珠

玉室物欲得見賢人君子盛德太師觀禮樂鍾鼓俎豆軍旅陳設焚燒名香口誦詩書古今箴誠居處簡靜割不正不食席不正不坐彈琴瑟調心神和情性節嗜慾庶事清淨生子皆良善壽忠孝仁義聰惠無疾斯蓋文王胎教者也千金要方

現在胎日月未滿陰陽未備腑臟骨節皆未成足故自初訖于將產飲食居處皆有禁忌

妊娠七月後先服枳殼散瘦胎產前腹痛服四物湯胞胎下血加膠

艾煎入月切忌飲酒恐產時心神昏亂

集驗方

凡婦人妊娠之後以至臨月臟腑塞閉節不利切不可多睡湏時時行步不宜食粘硬難化之物不可多飲酒不可亂服湯藥亦不可妄行鍼灸湏寬心戒思慮不得負重或登高陟險若偶然胎不安腰痛者湏服安胎藥一二服得安即止入月一日貼產圖

并借地法於妊娠房內正北壁上仍依位設床帳厚鋪褥褥周
密使無孔竅夏月亦鋪厚薦用好油單薄席紗帳以備之常焚
香令潔淨產乳慶育集

有孕婦人性宜寬慈無妄愁憂目勿邪視耳勿傾聽安坐穩行防諸
不測如此愛護方保臨產無虞正俗方

妊娠之人有宿挾癰疹因而有娠或有娠之時節適乖理致生疾病
並令腑臟衰損氣力虛羸令胎不長故須服藥去其疾病益其
氣血以扶養胎也巢氏病源

婦人妊身不欲見醜惡物食當避異常味不可見免令此缺唇缺
妊娠食鯉魚及雞子令子多疳經効產室

妊娠食雞子及乾鯉魚令子多瘡外臺要方

妊娠食雞肉糯米令子多寸白虫同上

妊娠食雀肉并豆醬令子滿面肝黯黑子同

妊娠食山羊肉令子多病同又食療本草云妊娠人勿多食羊

妊娠食兔犬肉令子無音聲并缺唇上同

妊娠食驢馬肉延月同

妊娠食堪并鴨子令人倒出心寒上同

妊娠食驪肉難產上同

妊娠食雀肉飲酒令子心淫情亂不畏羞耻上同

妊娠勿向非常之地大小便必卒產殺人同

妊娠勿食羊肝令子多厄上同

妊娠勿食鱉令兒短項上同

妊娠食冰凝絕產同又本草云冰莖至冷婦人懷妊不可食之

妊娠食豆醬合藿則胎墮產乳慶育集

妊娠食生薑令兒多指同上

妊娠食田雞鱔魚令兒病啞同上

妊娠食鯉魚鮓膾雞子令兒成疳多瘡同上

麝脂及梅李子若妊娠婦人食之令子青盲金匱要略方

妊娠不得食漿水粥令兒骨瘦不成人楊氏方

妊娠食雀腦令子雀目本草

婦人有妊勿服犀角能消胎氣同上

懷孕人不可食荔枝同上

妊娠人不得食螃蟹令兒橫生楊氏產乳方

妊娠用大黃黃芩大青石膏皆能養護胎氣故用處甚多本條不忌

今具妊娠所忌者藥如右雄黃雌黃水銀粉錫朴硝飛生虫洩
疏大戟巴豆野葛牛黃藜蘆牡丹牛膝桂心皂角藺茹躑躅鬼

箭槐子薏苡瞿麥附子天雄烏頭烏喙側子蜈蚣地膽斑蝥羌
青亭長水蛭蠱虫蠱虫蜈蚣蜻蛚蝟皮蜥蜴蛇虺蟹爪芒硝櫟
根蔞草牽牛半夏虎掌鬼臼代赭蛭蟬麝香桃人蕘花狼牙生
鼠論產生生新書

懷孕婦人佩萱草花生男子也風土記萱草一名鹿葱一名忘憂一
名宜男本草

養生類纂卷第九

養生類纂卷第十

案 菴 周 守 忠 纂集

鄉貢進士錢塘縣知縣樵陽謝頰校正重刊

人事部五

產婦

病忌

產婦

人處三才之間稟五行之氣陽施陰化故令有子然五行雖復相生而剛柔刑殺互相害尅至於將產則有日遊反支禁忌若觸犯之或橫致諸病故產時坐卧取處須順四時五行之氣故謂之產法也

巢氏病源

諸臨產若觸犯日遊及支諸所禁忌則令血氣不調理而致運也其運之狀心煩悶氣欲絕是也故須預以法術防之

同上

凡產婦八月切忌飲酒叫怒產時心神昏乱產論生生新書

凡生產自有時節產母初覺腹痛痛不甚者名曰弄痛且宜任意坐

卧勉強熟忍時喫軟飯如喫軟飯不得只喫粥及蜜湯須時時

強喫免致臨產氣力虛羸當弄痛時先服琥珀湯一二服若是

產時則痛漸密若未當產時則自然安帖若腹痛漸甚更且熟

忍直至連腰引痛眼中火生此是兒轉按產乳慶育集云如火生者此是胎轉中

經見通產門也方脈滑胎榆白皮散一服又按產乳慶育集云大凡生產自有時節不可強服催生滑胎之藥也

服藥之法切勿太早須當其時又傍人不得逼迫且須令人扶

策徐徐而行之若行步稍難即凭物立須更扶策再行直至腹

痛連腰相引作陣痛頻即服催生符丹藥一服更且勉強扶行

痛陣轉甚難以行立認是產時將至即服催生符畢然後安詳

上草上草之時切勿太早則子在腹中難以轉側及胞漿先破

及至產門子道乾澁皆致難產務要產婦惜力或心中熱悶取

白蜜一匙新汲水調下若未解即吞生雞子一箇又須子細体

候直待兒欲生頭面端正逼迫產門然後上草令人抱腰也同上

欲生產之時取新汲水半升或半盞頓服之新產下亦宜便服此凉

心經血不上搶也同上又按千金要方云兒始落與新汲水五

抱腰之人不得傾斜則兒得順其理自然易產也同上

有卧產者亦須待卧定背平着席体不偃曲則子不失其道苟不能

依此必致難產同上

夫難產有六凡妊娠六七月胎已成形而尚不知禁忌恣情交合敗

精瘀血聚於胞中是致子大母小臨產必難一也何以知之生

下兒頭上白膜一片熾膩如膠俗強名之曰戴白生兒身有青

有黑俗強名之曰宿誌此皆入月交合所致也如此則不特母

病其子亦生浸淫赤爛瘡動逾歲月不差可不戒哉其次臨產
驚覺太早大小揮霍或信筮卜說鬼祟致令產婦心驚神恐憂
惱氣亂又為閑雜婦人喪孝穢濁之人衝觸若不預為止絕臨
產必難二也凡臨產必腹作痛坐婆踈率不候其時便令試水
及其兒轉便令坐草坐草太早兒轉亦難未當產時痛陣斷續
風颯產門產道乾澁臨產必難三也坐草既早試水頻併胞漿
先破腸澁臨產必難四也乃至用力太過抱腰不穩產母困睡
坐立傾側胎死腹中其為難產五也兒雖已生胞衣不下敗血
入胞脹滿衝心悶絕不醒其為難產六也

同上

緣得分俛切忌問是男是女看血下多少隨證服壓烏梅煎良久喫
粥服四順理中圓便令人從心下按至臍腹日五七次若有疾
隨證服藥粥相間頻頻服餌且宜閉目而坐背後倚物左右看

承常令直立兩膝雖時眠睡頻令喚覺過一復時方得上床亦
須立膝高搭床頭厚鋪褥遶圍四向窒塞孔隙以禦賊風三
日內服四物湯惡露盡臍下塊散止一臍之內常聞醋烟以防
運悶一臍之後漸加煖味或以羊肉及雌雞煮取濃汁作藥粥
直至百晷常服羊肉當歸湯當歸建中湯四順理中固日各一
兩服以養臟腑補血脈兩臍之後方得食藥爛肉食滿月之內
尤忌任意飲食觸冒風寒恣情喜怒梳頭用力高聲作勞工巧
之類及上廁便溺如此節養將攝以至百晷始得氣血和調臟
腑平復設不依此即致產後餘疾集驗方

產婦雖是穢惡然將痛之時及未產已產並不得令死喪污穢家人
來視之則生難若已產者則傷兒也千金要方

婦女產乳忌反支月若值此月當在牛皮上若灰上勿令水血惡物

著地則殺人及浣濯衣水皆以器盛過此忌月乃止

同上

凡生產不依產畧脫有犯觸於後母子皆死若不至死即母子俱病

庶事皆不称心若能依畧無所犯觸母即無病子亦易養

同上

凡欲產時特忌多人瞻視唯得三二人在傍待揔產訖乃可告語諸

人也若人衆看之無不難產耳

同上

凡產婦慎食熱藥熱麵飲食當令人肌溫溫也

同上

凡欲臨產時必先脫尋常所著衣以籠蠶頭及竈口令至密即易產

也

凡婦人生子畢便扶上床湏臾飲童子小便一盞亦湏先備以葵苒

葉養之或產婦氣盛初經生產覺氣悶不安者調七宝散一服

服之不可令產婦側卧且令立膝未可伸足又常令人以物自

心腹擇起至臍下使惡露不滯也又令產婦常聞醋炭氣夏月

房中不須著火煮粥并煎藥之類並須在房外若於兩三日間覺腹中時時撮痛者此為兒枕痛凡須服治兒枕藥一二服止或於三五日之間覺頭昏痛身熱胃膈氣刺者此是乳脉將行即服行乳脉藥一二服有如此者不須服若回床帳太煖或產氣感或素多喜怒覺頭目眩暈如在舟車精神鬱悶者此是血運即須服治血運藥一二服止或覺粥食不美虛困即服四順理中圓一二服止若不如是則不須服又分娩之後且喫薄粥須看多少不可令飽頻頻少與之為妙逐日漸增之須是煮得如法不用經宿者不可令溫冷不調恐留滯成寒熱也不可多飲酒以氣虛消克未得又恐作痰至一臘七日也外恐喫物無味可爛煮羊肉或黃雌雞汁略用滋味作粥食之不可過多今江浙間產多喫熟雞子云補亦風俗也滿月之後可食少麪

羹或軟爛諸肉亦不可多若新產定不可食麪早若大便秘或小便澁切不可服導利藥以其亡津液故如此若便服導利藥則滑泄不禁不可治也切須戒之若秘甚必欲通利可服和暖藥即通自產後將息如法無諸疾苦者亦須略備補益丸散若四物湯四順理中圓之類不可過多又恐因藥致疾不可不戒也未滿月之間不宜語笑憂惶哭泣之類強起坐以至出月之後或作針線恣食生硬脫衣著風運動起坐或房室不戒雖當時未覺為害百日之後或成虛勞或頭疼肢節如碎或發寒熱作渴以至引起宿疾無所不有如產婦未出月間欲得酒喫或服藥者可用淨黑豆一升炒令煙出以無灰酒五升澆淋之入好羌活一兩法去土拍碎同浸之當用此酒下藥或時時飲少許可以辟風邪養氣血下惡露行乳脈也如產婦素不善飲酒

或夏月亦不須強飲大抵產婦須是如法將息百日外方為平復產乳慶育集

夏月於門外燒磚或以醋沃之置於房中

体玄子借地法呪曰東借十步西借十步南借十步北借十步上借十步下借十步壁方之中四十餘步安產借地恐有穢汚或有東海神王或有西海神王或有南海神王或有北海神王或有日遊將軍白虎夫人遠去十丈軒轅招搖舉高十丈天符地軸入地十丈令此地空闊產婦某氏安居無所妨礙無所畏忌諸神擁護百邪遠去急急如律令勅前項借地法於八月一日朱書一本貼在產房內正北壁上更不須避神殺也同上

兒衣於天德月空之處藏之吉外臺秘要方

欲分挽者先取醯醋以塗口鼻仍置醋於傍使聞其氣兼細細飲之此為上法如覺暈即以醋噴面蘇來即飲醋仍少與解之一云

內少與水解之崔氏產書

產後榮衛大虛血氣未定食麪太早胃不能消也化麪毒結聚胃脘
口乾燥渴心下痞悶三因極一病證方論

產後有三種疾鬱胃則多汗多汗則大便秘故難於用藥唯麻子蘇
子粥最佳且穩紫蘇子大麻子二味各半合淨洗研極細用水
再研取汁一盞分二次煮粥啜之此粥不唯產後可服大抵老
人諸虛人風秘皆得力普濟本事方

產後不宜食生冷陳久滑物外臺秘要方

產婦不可見狐臭人善令產婦著腫云芟七錄

產後未滿月飲冷水與血相聚令腹脹痛經效產室

產後惡露未止食醃酸之物遍體無血色腹痛發寒熱同

產婦緣分解了燒秤鎚江石令赤置器中向產母床前帳裏投醋淬

之得醋氣以除血暈之疾十日內時時作此法不妨暈者如日

月之有暈也

同上

產後昏暈由本來氣弱因去血過多氣無所主精神不足陰陽雜亂
謂之血運急以炭火投醋中熏鼻及以半夏末少許吹鼻中即
省全生指迷方論

病忌

病停痰留飲嘔逆惡心膏脇滿痛腸間漉漉有聲忌冷飲酒漿雖
經煖盪亦不宜多夏月水漿尤宜戒忌糟滷海味脯鱗鰾鮓煎
燂燥物食之皆作痰又發渴喜飲飲多則必停留飯宜過軟稠
粥尤佳猪羊精肉頭蹄肚肺腸臟石子白魚鯽魚雞鵝鳧鴨少
用以隨粥飯葱韭蘿蔔蕪菁松芥以和羹臠也食治通說
痰癖吐逆忌甘滑等物古今錄驗養生必用方

下痢者食一切魚必加劇致困難治千金要方

患痢人不可食酪孫真人食忌

患痢人不可食馬肉本草又千金要方云下痢者食馬肉必加劇

痢疾忌生冷油膩之物是齋百一選方

病下痢多日有全不度米糝未思食間不可強進或欲引飲勿與熟

水白湯煎薄粥通口飲之或惡米糝澄取清者亦可但有穀液

過腸可以接養胃氣與少糟粕等下痢切不可多蓋腸臟傷損

難有和方靈劑仍有此二物相濟方能成再生之功效錄治並

虛煩不可飲冷冷飲入胃津液愈不生宜陳廩米煮取清飲通

口飲之上同

口飲之

瘡渴忌酒麪房室魚鷄海物等養生必用方

瘡渴病所忌者有三一飲酒二房室三鹹食及麵能忌此雖不服藥

亦自可消渴之人愈與未與常須慮患大癰普濟本事方

病脚氣忌生冷粘硬物濕麪米粉宜木瓜栗子食治通說

患脚氣人勿食甜瓜其患永不除本草

甜瓜患脚氣虛脹者如食之其患永不除千金要方

病脚氣人不可食菰菜瑣碎錄

脚氣諸風並忌房室雞猪魚酒蒜瓜瓠養生必用方

患脚氣人不可喫鯽魚瑣碎錄

有風病者不可喫胡桃能發風同上

間風人不可飲櫻桃嗽之立效本草

凡中風毒之人切勿放睡只可扶坐救醒略與就枕頃刻間又扶

起貴不昏也 大智禪師必要方

患風濕人及有風證人不可食麵 類碎錄

風眩癩癰忌十二屬肉養生必用方

患風水氣不宜食栗子本草

水病既愈又須斷鹽二年房室喜怒滋味魚肉喪孝穢惡亦尔不能

忌慎專仰藥力未之聞也 養生必用方

患氣者多食葱發氣上衝人五臟因絕本草

病水氣腫脹切忌鹽醬味酒麵糯米食一切冷硬物食 食治通說

病傷寒時氣初覺壯熱增寒頭痛肢體便屏一切常食只喫淡粥將

息或未飢不可勸勉如渴欲引飲前薄粥湯溫飲數口或焦渴

思水且與溫湯或大渴驟煩取新汲水少飲細呷勿極其意令

飲薄粥略要米糝以滋養胃氣如已得正汗身涼和後尚欲飲

冷謹勿與之粥當搏節免致因食勞復病再作傷寒感冷中濕

伏暑將養做此

同上

時病差後食一切肉并蒜食竟行房病發必死千金要方

時病後未健食生青菜者手足必青腫

同上

時病差未健食青菜竟行房病更發必死

同上

熱病差後勿食羊肉發熱殺人

本草

時行病起食魚鱠令人胃弱

同上

天行病後不可食鹽

同上

天行病後不可食黃瓜越瓜

同上

熱病後十日不可食熱韭食之即發困

本草

時行病起食鱠魚令人再發食療

本草

時病後不可食鯉魚再發即死

同上

傷寒病初差不可過飽及勞動或食羊肉行房事與食諸骨汁并飲酒病方愈脾胃尚弱食過飽不能消化病即再來謂之食復病方愈氣血尚虛勞太早病即再來謂之勞復又傷寒食羊肉行房事並死食諸骨汁飲酒者再病龐安常每云飲酒者亦死時氣病愈後百日之後禁食猪犬羊肉并傷血及肥魚油膜乾魚則必大下痢下則不可復救又禁食麵葫蒜韭薤生菜鯉鯽輩食此多致傷發則難治又令到他年數發也葛洪時後方

新病新汗解勿飲冷水損人心腹不平復云效七載

痼疾人不可食熊肉令終身不愈金匱要略方

腹內有宿病無食陵鯉魚肉害人千金要方

有疝疾人不可食雉肉本草

瘦惡者不可食鰾肉發痼疾同上

患冷人勿食羊乳酪食療本草

有冷氣人不可食烏芋本草又食療云亦不可菹豆

痼冷忌冷物積熱忌熱物如魚酒之類養生必用方

脾胃五噎脹滿等病忌生冷粘滑同上

肺萎肺癰通忌房室魚酒熱麪同上

發背癰疽後大忌房室魚酒喜怒作勞同上

患癰之時不可食薑并雞肉要結實作塊瑣碎錄

病寒熱諸瘡宜糜粥軟飯將息暫斷一切魚肉忌酒果生冷及難消

化物不發旬日方可少進麵食於常食平善魚肉中除羊肉外

選用一味以過粥飯菜蔬除黃瓜茄子苦蕒胡荽外皆可為羹

無令過多免傷動胃氣必不至再發也潮熱骨蒸寒熱往來諸

病將養倣此食治通說

患瘡人食羊肉令發熱困重致死本草

腹中宿癥病者食鯉魚肉害人千金要方

癥瘕積聚通忌生冷醋滑物養生必用方

暴下後飲酒者隔上變為伏熱千金要方

暴下後不可食羊肉髓及骨汁成煩熱難解還動利同上

病欬嗽上喘忌酒麵鹹食生冷果實陳腐淹藏煎燥炮炙物宜猪羊

肺食治通說

病咯血吐血宜粳糯米合和煮粥切忌酒麪煎燂淹藏海味硬冷難

化物煮小豆菹豆以和藥粥湯燂連節嫩藕蕪菁波稜以為

蔬菜也鼻衄齒衄諸血病將養做此同上

病腸風五痔大便下血忌雞雉蟹魚鱉脯養葷菜芋頭苾菰酒果冷

硬煎燂濕麵同上

病大便秘瀉忌炙燂乾燥物糯米食赤豆黍秫猪羊肝諸色魚脯蠶
棗栗菜不可生啖同上

病小便淋瀝忌鹽醋濃味酸甘果實酒麴秫糯煎燂燥物同上

病差人勿食葵藿令人虛汗不止本草

牙齒有病人切忌啖棗同上

病眼禁冷手冷物不爾作瘡日以熱湯俟通手洗沃百十過瞋目少
時甚佳養生必用方

有眼疾不可浴浴則病甚至有失明者方氏泊宅編

有目疾切忌浴令人目盲遯齋閑覽

狐臭忌五辛狐肉養生必用方又本草云胡臭人不可食芸薹

金瘡勿食梨令人萎困寒中千金要方

食馬肉殺人龍魚河圖

有霍亂疾勿使冷食真誥

患瘰疾忌薑卒猪魚生菜辛菜吹火讀誦及大語用氣千金要方

凡口瘡忌食鹹膩及熱麵乾棗等宜純食甜粥勿食鹽菜三日即差

同上

病癰之人忌食癰六畜肉食之者癰發之狀悉象之巢氏病源

癰者不可食醴魚齊人千金月令

失心人食麤心及肝便迷亂無心緒食療本草

凡患瘡疥者切須忌茶本草

有瘡者不可食蠡魚令人癰白同上

患寒熱病者不可食菹豆同上

胃冷者不可食粟米同上

久病人食柰子病尤甚千金要方

羸瘦者不可食生棗同上

病人不可多食棗令臆脹太平御覽

產後忌生冷物唯藕不同生冷為能破血故也食療本草

發熱病人不宜多食薤同上

患冷人不可多食茄子發病損人本草

患鼻中息肉忌作勞及熱食并蒜麵百日同上

黃疸病忌麵肉醋魚蒜韭熱食犯之即死同上

凡中風多由熱起服藥當須慎酒麵羊肉生菜冷食猪魚雞牛馬肉

蒜乃得差同上

養生類纂卷第十一

屋舍

樓

廳堂

庭軒

房室牀帳附門戶

井竈鍋釜附天井

窓

溝瀆

廁

屋舍

宅欲左有流水謂之青龍右有長道謂之白虎前有汚池謂之朱雀

後有丘陵謂之玄武為最貴地若無此相凶不然種樹東種桃

柳南種梅東西植榆北柰杏地理新書

宅東有杏樹凶宅北有李宅西有桃皆為淫邪宅西有柳為被刑戮

宅東種柳益馬宅西種棗益牛中門有槐富貴三世宅後有榆

百鬼不敢近同上

凡宅東下西高富貴雄豪前高後下絕無門戶後高前下多足牛馬

凡宅地欲平坦名曰梁土後高前下名曰晉上居之並吉西高東下名曰魯土居之富貴當出賢人前高後下名曰楚土居之凶四面高中央下名曰衛土居之先富後貧同上

凡宅不居常衝口處不居古寺廟及祠社鑪冶處不居草木不生處不居故軍營戰地不居溝水流處不居山脊衝處不居大城門口處不居對獄門處不居百川口處同上

凡宅東有流水達江海吉東有大路貧北有大路凶南有大路富貴同上

凡樹木皆欲向宅吉背宅凶凡宅地形外酉不足居之自如子午不足居之大凶子丑不足居之口舌南北長東西狹吉東西長南北狹初凶後吉同上

凡人居洪潤光澤陽氣者吉乾燥無潤澤者凶同上

凡宅前低後高世出英豪前高後低長幼昏迷左下右昂男子榮昌
陽宅則吉陰宅不強右下左高陰宅豐豪陽宅非吉主必奔逃
兩新夾故泥瀕不住兩故夾新光顯宗親新故俱半陳粟朽貫
實東空西家無老妻有西無東家無老翁壞宅留屋終不斷哭
宅材鼎新人旺千春薦屋半柱人散無主間架成隻潛資衣食
接棟造屋三年一哭同上

凡住祖父之宅而欲修造即依祖上作陽宅陰宅運用方隅如是則
累代富貴子孫隆盛如居處不利即宜轉陽作陰或移陰為陽
吉同上

凡人居止之室必須周密勿令有細隙致有風氣得入小竟有風勿
強忍之久坐公須急急避之千金要方

居處不得綺靡華麗令人貪婪無厭乃患害之源但令雅素淨潔同上

蓋屋布椽不得當柱頭梁上著須是兩邊騎梁著云不得以小壓大也瑣碎錄

凡造屋切忌先築牆圍并外門必難成同上

凡起新屋防木匠放木筆於屋柱下令人家不吉更防有倒木作柱令人不吉同上

起宅畢其門刷以醇酒及散香末蓋禮神之至也同上

人家不可多種芭蕉久而招祟同上又云人家房戶前不宜多種芭蕉俗云引鬼又云婦人得血疾

住宅四畔竹木青翠進財曾般宅經

屋架與間不欲雙須隻為大吉水簷頭相射主殺傷內射外外人死外射內內人當凡屋外簷廣闊為上不得逼促斜而潑壁家多痢疾風吹不著不用服藥屋漏漿新婦無良梁棟偏欹家多是非屋勢傾斜賄博貪花尾移棟摧子孫貧羸同上

凡柱尾為斗枋尾為升升在斗下為不順主有不孝子弟斗在升下

大吉同上

凡折梁以木頭朝柱主人大吉木匠有成同上

宅四面交衝使子孫怯弱八王子宅經

古路靈壇神前佛後水田變灶之所其地並不堪居同上

宅若前高後下法主孤兒寡婦令男子懶惰使女子淫奔同上

宅中聚水汪汪養蚕桑之難得同上

屋頭有厦衰病莫不由斯同上

桑樹不宜作屋木死樹不宜作棟終亥天剛陰陽禁忌曆

何謂安厝曰非華堂邃宇重網廣榻之謂也在乎南向而坐東首而

寢陰陽適中明暗相半屋無高高則陽盛而明多屋無庫庫則

陰盛而暗多故明多則傷魄暗多則傷魂人之魂陽而魄陰苟

傷明暗則疾病生焉此所謂居處之高尚使之然況天地之氣有亢陽之攻肌淫陰之侵体豈不防慎哉修養之漸倘不法此非安處之道術曰吾所居室四邊皆窓戶遇風即闔風息即開吾所居座前簾後屏太明則下簾以和其內太暗則捲簾以通其外曜內以安心外以安目心目皆安則身安矣明暗尚然况太多事慮太多情慾豈能安其內外哉故學道以安處為次

天隱子

攢

居宅造樓莫近街頭低吉高凶能招五通按聖曆

門樓重屋須榮貴素天剛陰陽禁忌曆

廳堂

居宅廳後不宜作龜頭瑣碎錄

畫堂應干湏用偶數則室家和睦同上

私居廳不必廣大亦要數倭廳上單棟恕招內政預事同上

私居堂要十分華飾夫婦偕老子孫昌盛同上

有廳無堂孤寡難當同上

堂前有榴樹吉地理新書

南廳連於西屋令歲月之憂煎八王子宅經

折裏為廳終不利折廳為裏則無妨袁天剛陰陽禁忌曆

庭軒

大樹近軒疾病連綿松聖曆

人家種植中庭一月散財千萬八王子宅經

中庭種樹主分張袁天剛陰陽禁忌曆

門庭双栗喜加祥同上

庭心樹木名閑困長直庭心主禍殃 同上

房室床帳附

人臥室字當令潔盛盛則受灵不盛則受故氣故氣之乱人室字者
所為不成所作不立一身亦爾當數洗沐浴潔不爾無冀真詰
人臥床當令高高則地氣不及鬼吹不干鬼烝之侵人常依地而逆
上耳高調三尺以上也昔有人病在地卧於病中乃見鬼於壁
穿下以手為管吹之此即是鬼吹之事也 同上

房室當頭莫安櫃房門兩壁莫開窓表天剛陰陽禁忌曆

房門不得正對天井主此房人口頻灾魯般宅經

竈房門亦不可對其房門主口舌病患 同上

掛帳不用閉口犯者蚊蠅扇不可盡湏用水閉日為佳若用土閉日
泥飾屋宇蚊不入累効瑣碎錄

門戶

凡門以栗木為閤者夜可以遠盜後容錄

凡門面兩畔壁湏大小一般左大換妻右大孤寡魯般宅經

門面上枋空蛀窟痕主動溫瘡瘻之疾門棟柱不著地無穿長棟柱
空蛀家長聾盲門塞棟柱家憂悞退財破田血畜耗妬大門十
柱小門六柱皆著地吉門高於儲法多哭血門裝虛坐頻招瘟
火糞屋對門癰癰常存倉口向門家退動瘟搗石門居屋出離
書門前直屋家無餘穀門口水坑家破伶仃大樹當門羅鼓天
瘟牆頭衝門常被人論父路夾門人口不存衆路直衝家無老
爺門被水射家散人無神社對門常病時瘟門中水出財散冤
屈門著井水家招神鬼同上

正門前不宜種柳瑣碎錄

所居向巽方開門及隙穴開窓之類立有災害無免者日夜忽於官

舍正廳私家正堂南向坐多招異事當門勿安卧榻不利同上

庚寅日不可作門門大夫死日同上

人家門左右不可安神堂主三年一次哭同上

掃糞草置門下令人患白虎病東人呼為歷骨風白虎鬼如猫在糞堆中亦云糞神療法以雞子揩病人痛呪頭送著糞堆頭勿反顧本草

凡宅門下水出財物不聚地理新書

東北開門多招怪異北重重八王子宅經

宅戶三門莫相對表天剛陰陽禁忌曆

門前青草多愁怨門外垂楊非吉祥同上

水路衝門悖逆兇孫搢聖曆

井竈鋤釜附

勿跋井今古大忌云發七錢

見露井莫窺損壽瑣碎錄

俗以清明日淘井為新同上

以鉛十餘斤寘之井中水清而甘同上

凡開井近江近海處須擇江風順日開則吹江水之泉脉必甘若海

風順日則吹海水入泉脉必醎謂如江在井之西南方是日有

西南風則鑿之同上

掘井湧取東向三百六十步內覓一青石以酒煮放井中立止同上

即不穿井甘泉不香彭祖百忌日

勿塞故井令人耳聾曰百藥氏病源

井堂前不可穿井魯般宅經

男子窺井婦人上竈昏招口舌意外之禍瑣碎錄

勿越井越竈感應篇

井於竈邊虛耗年年摠聖曆又鎖碎錄云井若近竈年年虛耗

井竈相看法主男女之內亂八王子宅經

井竈不可令相見女子祭竈事不祥袁天剛隊隊禁忌曆

井北竈南家五逆井畔栽桃物業荒同上

廳內堂前難鑿井主人堂後莫開泉同上

刀釜不宜安竈上同上又鎖碎錄云竈上不可放刀家不安

簋箕放竈前令人家不安鎖碎錄

凡於廳屋安灶兩火煌煌主有灾殃同上

踐壞竈土令人患瘡酉陽雜俎

竈前無禮家必破竈前歌笑要驚惶袁天剛陰陽禁忌曆

糞土無令壅竈前同上

竈中午夜絕燒煙同上午夜乃是后帝竈君交會之夜宜避之即安

婦人勿跣竈坐大忌云艾七錢

向竈罵詈不祥同上

不可對竈吟詠及哭感應篇

不可竈火燒香同上

作竈法長七尺九寸上象北斗下應九州廣四尺象四時高三尺象

三才口闊一尺二寸象十二時安兩釜象日月突大八寸象八

風頌脩新埽淨洗以淨土和合香水合泥不可用壁泥相雜大

忌之以猪肝和泥令婦人孝順陰陽百忌曆

凡作竈泥先除地面土五寸即取下面淨土以井花水井香合泥大

吉同上

凡竈面向西向南吉向東向北凶

同上

竈神晦日歸天白人罪淮南

竈主食夢者得食辭夢書

子孫滿堂竈在明堂徵音明堂在午宮音明堂在子羽音明堂在戌

商角音明堂在申地摠聖曆

丙丁作竈引火光袁天剛陰陽禁忌曆

凡遇金甌鳴鬼名婆女但呼其名字亦不為灾却招吉利厭凡忌金鳴不得驚呼須一男子作婦人拜即止或婦人作男子拜亦止瑣

碎錄

金鳴甌虛氣衝則鳴非恠但揭去蓋即已

同上

凡人家厨下頭鍋遇夜須刷洗淨滿注水不可令乾如空則使主人心焦

同上又袁天剛陴陴禁忌曆云鍋釜夜深莫停水

天井

凡四向堂屋前著過道中亭有二天井象日月為屋有眼目主大發

少灾若只作一天井亦發只是多出患眼及損少丁婦曾般宅

天井著花欄主淫佚同上又云天井置欄主病心痛障眼著花欄小

凡人家天井方為上不可直長主喪禍同上

廳前天井停水不出主病患父子相拘有下混腸風之疾及漏肚傷

孕之厄同上天井栽木大凶同上

天井內不可種花招婦人淫乱瑣碎錄

窓

門壁有窓招橫事表天剛隊隊禁忌臂

開天窓宜就左邊乃青龍開眼吉瑣碎錄

溝瀆

溝渠通浚屋宇潔淨無穢氣不生瘟疫病瑣碎錄

水路衝門悖逆兒孫水穿宅過東流無禍摠聖曆

水若倒流宅主女為家長八王子宅經

水從門出主耗散之貧窮同上

勿塞溝瀆令人目盲云笈七籤

廁

凡人上廁之時先離廁前五步咳嗽三兩聲其神在廁中即自然

回避清樓經

上廁不得囁於廁中并唾於四面及唾於壁上廁神免得生瘡癢其神凡諸護佑不敬不信即恐損其身同上

凡有三二歲以下男女抱糞於廁中多有觸犯緣有姦腥氣并外來尿糞惡氣衝其廁神并受糞夫人立有灾咎同上

凡男子上廁不得科頭跣足若有此犯公私之人遭牢獄之厄同上
凡置得新廁即便除却舊廁其舊廁之內糞亦盡除恐遭殃禍當除
之時以水安廁中令滿度言除廁只言除水同上

凡人家不得以夜奔廁中及將蓋不淨令人家貧有大凶同上

廁神姓鄭名登是遣天飛騎大殺將軍不可觸犯能賜灾福凡祭祀
不可呼神名避之吉同上

每逢六夜莫登廁喪天閉陰陽禁忌厠

遺灰撒廁招官事同上

廁中生蛆以尊葉一把投於廁缸中即無瑣碎錄

養生類纂卷第十二

察 卷 周 守 忠 纂集

鄉貢進士錢塘縣知縣樵陽謝頰校正重刊

服章部

衣服

冠帶

茵褥

鞋履

衣服

凡人旦起著衣反者更著之吉千金要方

春天不可薄衣令人傷寒霍亂食不消頭痛同上

衣光者當尸三振之曰殃去吉同上

濕衣及汗衣皆不可久著令人發瘡及風癢同上

大汗能易衣佳不易者急洗之不爾令人小便不利同上

凡大汗勿偏脫衣喜得偏風半身不遂同上

先寒而衣先熱而解池朴子

大汗急傳粉著汗淫衣令人得瘡大小便不利養生要集

凡人不可比向脫衣酉陽雜俎

衣服勤洗浣以香露之身數沐浴令潔淨則神安道勝也懣懣中志

凡衣服巾櫛枕鏡不宜與人同之齊人千金月令

衣服不宜買布衣同上

衣服衫袴襪裙忽白交蝕者大山百怪書

衣服上忽生斑痕或忽染烟脂粉黛或忽有孔穴似刀剪者並不祥

衣服裙襖被鼠咬有喜事同上

衣服上忽聞馨香者喜慶至忽聞臭穢者主疾病大山同上

冠帶

勿面北冠帶凶千金要方

幘頭腰帶莫同安表天剛陰陽禁忌曆

五日不冠帶主有非殃摠聖曆

鼠咬人幘頭帽子巾帶衫領者主得橫財喜事百日至百惟書

苜蓿

虎豹皮不可作苜蓿令人目暗鬚毛刺人瘡疽中能殺人瑣碎錄

鵝毛選輕茸細毛夾布為褥俗云鵝毛柔暖而性冷偏宜覆嬰兒兼

辟驚癇也同上

烏毡久卧吸人脂血令人無顏色本草

鞋履

夜卧履不可仰須是相合不然置床上也亦可瑣碎錄

養生類纂卷第十二
夜卧以鞋一覆一仰即無魘惡夢同上

切忌莫燒破鞋履兇孫長大沒文章袁天剛陰陽禁忌曆

下床躡履之際三称大吉云箕七籤

凡上床先脫左足履同上

凡欲坐先解脫右靴履大吉千金翼方

養生類纂卷第十二

養生雜纂卷第十三

察菴周守忠纂集

鄉貢進士錢塘縣知縣樵陽謝頴校正重刊

食饌部一

飲食

雜食

飯

粥

麵

飲食

凡飲養陽氣也凡食養陰氣也欲養陽氣也故有樂食養陰養陽也故無樂凡声陽也礼記

當食不歎同上

不飢強食則脾勞不渴強飲則胃脹食欲常少勿令虛冬則朝勿虛

夏則夜勿飽老子養生要訣

君子慎言語節飲食周易

王叔和洞識攝生之道常謂人日食不欲雜雜則或有所犯當時或無灾患積久為人作疾尋常飲食每令得所多食令人膨短氣或致暴疾夏至秋分少食肥膩餅臠之屬此物與酒食瓜果相妨當時不必習病入秋節變陽消陰息寒氣摠至多諸暴卒良由涉夏取冷太過飲食不節故也而不達者皆以病至之日便謂是受病之始而不知其所由來者漸矣豈不惑哉生論 養

勿跳食感應篇

美食不熟嚼生食不麤吞千金要方

食上不得語語與食者常患背背痛同上

善養性者先飢而食先渴而飲食欲數而少不欲頓而多則難消也

常欲令如飽中飢飢中飽耳蓋飽則傷肺飢則傷氣故每學淡

食食當熟嚼使米脂入腹同上

人之當食須去煩惱同上

食畢當漱口數過令人牙齒不敗口香同上

每食訖以手摩面及腹令津液通流同上

食畢當行步躊躇計使中數里行來畢使人以粉摩腹上數百遍則

食易消大益人令人能飲食無百病同上

飽食仰卧成氣痞作頭風同上

觸寒來者寒未解食熱食成刺風同上

凡熱食汗出勿當風發瘰癧頭痛令人目澁多睡同上

飽食即卧乃生百病不消成積聚同上

人不得夜食又云夜勿過醉飽同上又云一日之忌暮無飽食

食勿精思為勞苦事有損餘虛損人常須日在巳時食訖則不須飲

酒終身無乾嘔同上

飲食上蜂行住食之必有毒同上

濕食臨上看之不見人物影者勿食之成卒注若已食腹脹者急以

藥下之同上

熱食傷骨冷食傷肺熱無灼屑冷無水齒千金異方

食勿大言大飽血脉閉同上

夜藏飲食不密鼠淚滴器中食之得黃疾避齋閑覽

凡飲食不可放在露天恐飛絲墮飲食中食之咽喉生炮急以巴豆

白礬燒灰吹入口內或急擦即差瑣碎錄

夜半勿飲食又云夜食損壽同上又云筴七篇云酉後不飲食

飽食不用坐與卧欲得行步務作以散之不尔使人得積聚不消之

疾及手足痺蹙面皮鰲皺必損年壽也云筴七篇

飲食伏床山同上

不可向北喫食同上

今人食冷物必飲湯將溫其脾已水其脾何溫之有不若未食冷物先飲湯溫之繼食冷無患翰府名談

每食畢即呵出口中食毒濁氣永無患矣幼真先生 內元氣 法
慎勿飽飽即傷心同上又千金要方云飽則傷肺飢則傷氣

食畢當漱口數過不尔使人病齲齒巢氏病源

臨食上勿道死事勿露食物來衆邪炁正一平

食之有齋戒者齋乃潔淨之物戒乃節慎之稱有飢即食食勿全飽此所謂調中也百味未成熟勿食五味太多勿食腐敗閉氣之物勿食此皆宜戒也手常摩擦皮膚溫熱熨去冷氣此所謂暢外也此是調理形骸之法天隱子

色惡不食臭惡不食失飪不食不時不食論語註云色惡不食臭惡

不食者謂 食及內顏色香臭變惡者皆不食之失飪不食者
謂 失生熟之節也不時不食者謂非朝夕日中時也

食飲以時飢飽得中水穀變化冲氣和融精血以生榮衛以行

調平神志安寧正氣充實於內元真通會於外內外邪沴莫之
能干一切疾患無從所作也食治通說

食飲之宜當候已飢而進食食不厭熟時仍候焦渴而引飲飲不厭
細呷無待飢甚而後食食不可大飽或竟微渴而省飲飲不欲
太頻食不厭精細飲不厭溫熱同上

食無生冷堅韌焦燥粘滑物傷則胃中水穀易於腐化同上

好食生冷者將為腹痛心疼嘔吐泄利之疾同上

好食炙煨者將為口瘡咽痛壅熱癰瘍之疾同上

食物飽甚耗氣非一或食不下而上湧嘔吐以耗靈源或飲不 而

作痰咯唾以耗神水同上

偶食物飽甚雖覺體倦無輒就寢可運動徐行約百餘步然後解帶
鬆衣伸腰端坐兩手按摩心腹交叉來往約一二十過復以兩
手自心脇間按捺向下約數十過令心腹氣道不至壅塞過飽
食隨手消化也同上

當盛夏時食飲加意調節緣伏陰在內腐化稍遲又果蔬園蔬多將
生嗽蘇水桂漿唯欲冷飲生冷相值剋化尤難微傷即殮泄重
傷即霍亂吐利是以暑月食物尤要節減使脾胃易於腐化戒
忌生冷免有腹臟之疾也同上

暑月瓷器如日煦著不可便盛飲食瑣碎錄

銅器蓋食器上汗滴食中令人發惡瘡內疽金匱要畧方

吳楚之人每中脘有疾悉謂脾病肯腹痛不以虛實悉謂脾病凡脾

藥皆椒薑桂附之類又盛夏必熱食居密室服藥習以為常余
勸以夏當寒食高居以遠炎暑則曰吳楚與北人異以此自將
安樂充實豈不難哉經云春夏養陽秋冬養陰賴天地之柔剛
註陰根於陽謂五月五陽一陰始生聖人春食溫夏食寒以抑
陽扶陰十一月五陰一陽故熱食附炎以抑陰扶陽反此者是謂
伐根盛夏熱食窮冬寒食以自取困踣吾末如之何 孝保
全信初方

一日之忌暮無飽食物至飽已傷腸胃又人之陽氣隨日升沉日中
則隆日西則虛無勞擾筋骨當休息肢體力省運行食 磨化
或即就寢不免重傷故云夜食飽甚損一日之壽也千金翼方
犀角著撓飲食沫出及澆地墳起者食之殺人金匱要畧方
魚枕器以盛飲食遇蠱毒輒爆裂避奇閑覽

雜食

食包子時用醋蘸免回氣蓋包子包氣醋破也瑣碎錄
饅頭後供梅血羹者饅頭包氣血破氣也同上
食餐不可食鯪殺人同上

啖餐餌之類過多竟不快者唯飲酒至醉則既醒之後所苦皆差其
効過於服藥陳橘皮湯亦能解同上

餛飩與飯同食則肯膈不隘同上

庖饌失度炙煨熟食旋鮓生飮不可食食治通說

每向夜食不得多吃雞鴨猪脚等物及吃難消筋皮之物多食必有

霍乱四時養生論

修道欲得見真的飲食之中堪者吃淡粥朝喰渴自消油麻潤喉足
津液就中粳米飯偏宜淡麵餛飩也相益好耐飲時悖氣消生

椒服之百疾息食前常咽六七咽以食為主是準則飯了須呵

三五呵免教毒氣煩膏臆胎息秘要訣

勿食一切雜臙膩五辛留滯冷滑之物若食之令三尸濁觸五神太

乙真君五誠

勿食父母本命所屬肉令人命不長千金要方

勿食自己本命所屬肉令人魂魄飛揚同上

每食不用重肉喜生百病常須少食肉多食餅及少菹菜并勿食生

菜生米小豆陳臭物同上

一切諸肉煮不熟生不斂者食之成瘕同上

勿食生肉傷胃一切肉惟須煮爛停冷食之同上

勿食一切腦火損人同上

祭神肉無故自動食之害人同上

凡肉生熟脯肉等同以器蓋密使氣不泄者肉汁同食之殺人食禁

凡肉中有米點或自動或墮地而塵不汚者皆不可食同上

凡食生肉飽飲乳謂酥酪之類變成白蟲同上

凡六畜自死及疫死者皆有毒不可食食之令人心煩悶而吐利無度同上

凡六畜毛并蹄之甲皆有毒不可食之同上

凡六畜肉熱血不斷者不可食若肝青或五臟著草自動及得鹹醋不変色或墮地不汚者皆有毒殺人同上

凡六畜脾不可食之同上

凡肉狗不喫鳥不啄者不可食之同上

凡肝臟自不可輕噉自死者弥甚金匱要略方

諸心皆為神識所舍勿食之使人來生復其對報矣同上

自死肉口閉不可食之同上

丙午日壬子日勿食諸五臟同上

肉須新鮮似有氣息則不宜食爛臟損氣切宜戒之沈存中志
肉不厭軟煖肉味無令勝食氣食治通說

飯

飯訖即自以手摩腹出門庭行五六十步消息之中食後還以熱手
摩腹行一二百步緩緩行勿令氣急行訖還床偃卧四展手足
勿睡頃之氣定便起正坐吃五六顆蘇煎棗啜半升以下人參
茯苓甘草等飲覺似少熱即吃麥蘖麥竹葉茅根等飲量性將
理千金翼方

每日吃飯先定坐叩齒二十一遍集神細嚼一口嚥下則五臟先接
此一口神安道家謂細食也瑣碎錄

飯無令少於麵食治通說

所謂四時之養者春食麥夏食菽亦以食水火之畜秋食麻冬食黍亦以食金水之畜所謂朝日之養者侵晨一粥早晚兩飯同上穢飯餒肉臭魚食之皆傷人金匱要畧方

南天燭不拘時採其枝葉於石臼中搗碎用水漬粳米漉而炊之初漬米正作綠色既得蒸便如紺若一過汁漬不得好色亦可淘去更以新汁漬之洒瀝皆用此汁當令飯作正青色乃止餘汁洒飯預作高格暴令乾當三過蒸暴每一燥輒以青汁溲令浥浥耳日可服二升勿復血食亦以填胃補髓消滅三蟲本草菡經又按陶隱居登真隱訣太極真人謂之精乾石髓飯又本草名烏飯益顏色筋骨

元載寵姬薛瑤英幼時母飯以香及長飢香体輕杜陽雜錄

張

張文潛粥記贈潘邠老云張安道每晨起食粥一大盞空腹胃虛穀

氣便作所補不細又極柔膩與腸腑相得晨為飲食之良妙齊和尚說山中僧每將旦一粥甚繫利害如或不食則終日竟臟腑燥渴蓋能暢胃氣生津液也又見東坡一帖云夜坐飢甚吳子野勸食白粥云能推陳致新利膈養胃梁谿漫志

粥後不宜入白湯令人成淋為傳濕也瑣碎錄

食甜粥勿食大鮓必變成尿血巢氏病源

食米甘甜變成走注病謂遊皮膚繫痛同上

食白米粥勿食生蒼耳成走症金匱要畧方

食甜粥已食鹽即吐同上

豉粥不可於霍亂後食齊人千金月令

地黄粥以補虛右取地黄四兩搗取汁候粥半熟即下之以綿裹椒一百粒生薑一片投粥中候熟出之下羊腎一具去脂膜細切如韭葉大加少鹽食同上

防風粥以去四肢風右取防風二大分煮取汁作粥同上

紫蘇粥以去擁氣右取紫蘇子熬令黃香以水研瀝取汁作粥同上又本草云紫蘇子粥常服令人肥白身香

竹葉粥右取淡竹葉一握梔子兩枚切熬以水煎澄取清即細泚粳米研取泔下米竹葉梔子汁中旋點泔煮之候熟下鹽花進之時或失理則痢疾宜以防之同上

胡麻粥烏油麻去皮蒸一炊曝乾更炒令香熟每用白粳米一升胡麻半升如常煮粥法為之臨熟加糖蜜任意極香甘胡麻多治之臨時取用沈存中忘懷錄

山芋粥山芋生者佳圃種者無味取去皮細石上磨如糊每盞粥用山芋二合以酥二合蜜一合同炒令凝以匙揉碎粥欲熟投攪令勻乃出同上

枸杞子粥用枸杞子生研挾取汁每一盞粥可用汁一盞加少熟蜜同煮同上

麵

麵一斤入炮了附子末二錢和打如常供大去麵毒瑣碎錄今煮麵多過水頗不利於臟腑宜以滾湯候冷代之同上

麵有鮑氣不可食食治通說

小麥作麵性擁熱小動風氣久食實人肌膚強氣力本草

小麵種來自西國寒溫之地中華人食之率致風壅小說載太麥毒乃此也昔達磨游海震旦見食麵者驚曰安得此殺人之物後

見菜菔曰賴有此耳蓋菜菔解麵毒也世人食麵已往往繼進
麵湯云能解麵毒此大誤東平董汲嘗著論戒人煮麵須設二
鍋湯煮及半則易鍋煮令過熟乃能去毒則毒在湯明矣方勺
治宅編

紫不托法用新黑豆煮取濃汁搜麵作湯餅極甘美能去麵毒今不
悉熟服丹石人尤宜食此雜蕒菜為甚妙沈存中忘懷錄

范侍讀書元長言其父淳父元范間為東平府直講每日供膳所食
湯餅異常因造外厨訊諸庖者見釜上有金錢數十審其安用
對曰凡麵入湯之後每遇一沸必下一錢錢盡而後已故其說
曰硬作熟搜湯深煮久能改齋漫錄